



Na osnovu Zaključka o usvajanju Uputstva o postupku i kriterijima za odobravanje i dodjelu finansijskih sredstava namijenjenih saniranju dijela šteta od poplava kod privrednih subjekata, broj:02-14-15017/14 od 25.07.2014. godine, Zaključka Vlade Kantona o usvajanju Programa utroška budžetskih sredstava od koncesija za 2014. godinu, broj: 02-14-12072/14 od 12.6.2014. godine, i Zaključka Vlade Kantona o usvajanju Programa utroška budžetskih sredstava u 2014. godini, broj: 02-14-14122/14 od 10.7.2014. godine, Ministarstvo za privredu, raspisuje

JAVNI POZIV
za prikupljanje zahtjeva
za odobravanje i dodjelu finansijskih sredstava – pomoći namijenjenih saniranju
dijela direktnih šteta usljed poplava kod privrednih subjekata

1. Pozivaju se privredni subjekti (pravna i fizička lica) registrovani u Zeničko-dobojskom kantonu, koji su tokom majskih poplava imali utvrđenu direktnu štetu na osnovnim sredstvima, da podnesu Zahtjev za odobravanje i dodjelu finansijskih sredstava - pomoći namijenjenih za saniranje štete.

2. Pravo korištenja ovih finansijskih sredstava - pomoći imaju privredni subjekti, koji dostave uredne zahtjeve u utvrđenom roku i koji su registrovani u Zeničko-dobojskom kantonu iz područja djelatnosti Standardne klasifikacije djelatnosti (stare i nove), i to:

C-Vađenje ruda i kamena,

D-Prerađivačka industrija,

E-Proizvodnja električne energije,

F- Građevinarstvo,

G-Trgovina na veliko i malo,

H-Prijevoz i skladištenje.,

I – Djelatnosti hotelijerstva i ugostiteljstva.

3. Nakon uredno podnesenih Zahtjeva, Komisija Ministarstva za privredu izvršiti će izračunavanje iznosa finansijskih sredstava – pomoći na osnovu sljedećeg modela:

Ukupna raspoloživa budžetska finansijska sredstva-pomoć za saniranje dijela direktne štete nastale usljed poplava iznose 836.127,00 KM.

Iznos finansijskih sredstava - pomoći, koja će biti dodjeljena jednom korisniku zavisi od ukupnog iznosa direktne štete na osnovnim sredstvima svih urednih aplikacija, a izračunavat će se na sljedeći način:

$$IOS = \frac{RBS}{\sum \dot{S}UA} \times D\dot{S} \quad [KM]$$

IOS – Iznos odobrenih finansijskih sredstava – pomoć shodno podnešenoj prijavi/Zahtjevu [KM]

$\sum \dot{S}UA$ - Suma direktnih šteta na osnovnim sredstvima svih urednih prijava [KM]

RBS - Raspoloživa budžetska finansijska sredstva - pomoć [KM]

DŠ – Iznos (zbir) ukupne utvrđene direktne štete na osnovnim sredstvima kod aplikanta preuzet iz obrazaca općinske Komisije za utvrđivanje štete [KM] Š-01.- Šteta na građevinskim objektima i Š-02 - Šteta na opremi u vlasništvu privrednog subjekta, odnosno iz obrasca Š- 07- Zbirni pregled šteta za pravna lica koji se odnose na podatke iz obrazaca Š-01, Š-02 i Š-03.

Maksimalni iznos pomoći po jednom privrednom subjektu je 20.000,00 [KM].

Međutim, u slučaju kada privredni subjekt, na utvrđeni dan, upošljava više od 100 radnika i iskazana šteta na osnovnim sredstvima je veća od 1.000.000,00 [KM] tada je maksimalni iznos pomoći koji se dodjeljuje 50.000,00 [KM].

4. Uz Zahtjev za odobravanje finansijskih sredstava - pomoći, privredni subjekt dužan je dostaviti sljedeće priloge:

- Obrasci Š-01, Š-02, Š-03 i Š-07 sačinjenih i ovjerenih od strane općinskih Komisija za procjenu štete u skladu sa Uredbom o jedinstvenoj metodologiji za procjenu šteta od prirodnih i drugih nesreća (original ili ovjerena kopija),
- Odobrenje za obavljanje djelatnosti, ili odgovarajući akt nadležnog inspekcijskog organa, odnosno izjava privrednog subjekta upućena inspekcijskom organu (original ili ovjerena kopija),
- Uvjerenja o uredno izmirenim javnim prihodima na dan 30.3.2014. godine (original ili ovjerena kopija),
- Uvjerenja o uredno izmirenim finansijskim obavezama prema Budžetu Zeničko-dobojskog kantona na dan 30.3.2014. godine, izdat od kantonalnog Ministarstva finansija, (original ili ovjerena kopija),
- Uvjerenja o uredno izmirenim indirektnim porezima na dan 30.03.2014. godine, (original ili ovjerena kopija),
- Uvjerenje Komercijalne banke da je žiro račun potencijalnog korisnika pomoći aktivan, ne starije od 60 dana u odnosu na dan podnošenja zahtjeva,
- Spisak uposlenika na dan 30.03.2014. godine izdat od PIO-a ili Porezne uprave, u slučaju iskazane štete veće od 1.000.000,00 [KM] i upošljavanja više od 100 radnika, odnosno kod podnošenja zahtjeva za pomoć u iznosu 50.000,00 [KM].

5. Na ovaj Javni poziv mogu aplicirati i privredni subjekti, čiji su zahtjevi bili neuredni po Javnom pozivu od 3.8.2014. godine tako da uz zahtjev po ovom Javnom pozivu dostave samo original ili ovjerenu kopiju dokumenata koji su im nedostajali prilikom javljanja na prvi Javni poziv.

6. Po uredno prispjelim Zahtjevima, ocjenu i mišljenje dati će Komisija Ministarstva za privredu u formi integralnog Izvještaja, uz pojedinačne Prijedloge Odluka o dodjeli finansijskih sredstava – pomoći po svakom pristiglim urednom zahtjevu, najkasnije 15 dana nakon isteka roka za dostavu Zahtjeva - aplikacija. U slučajevima kada Komisija ocjeni da nisu ispunjeni svi uslovi za odobravanje sredstava, tj. kod neurednih zahtjeva, Ministarstvo za privredu će svakom takvom aplikantu dostaviti Obavještenje o odbijanju zahtjeva.

7. Na osnovu Izvještaja Komisije, Ministarstvo za privredu će predložiti Vladi Kantona donošenje Odluke o odobravanju finansijskih sredstava - pomoći za saniranje dijela direktne štete od poplava, za svaki privredni subjekt pojedinačno.

8. Vlada Kantona, može opozvati donesene odluke, zavisno od dinamike priliva budžetskih sredstava tokom godine.

9. Na osnovu donesene Odluke o odobravanju finansijskih sredstava, Ministarstvo za privredu će Ministarstvu finansija podnijeti Nalog za isplatu.

10. Javni poziv ostaje otvoren 30 dana, od dana objavljivanja i zahtjevi privrednih subjekata za odobravanje finansijskih sredstava - pomoći, sa priložima, trebaju biti dostavljeni i zaprimljeni na Protokolu Zeničko-dobojskog kantona najkasnije do 7.11.2014. godine, na adresu:

ZENIČKO-DOBOJSKI KANTON
Ministarstvo za privredu
KOMISIJA ZA OCJENU ZAHTEVA ZA ODOBRAVANJE I DODJELU FINANSIJSKIH SREDSTAVA
NAMIJENJENIH SANIRANJU DIJELA TROŠKOVA ŠTETE OD POPLAVA
KOD PRIVREDNIH SUBJEKATA
Kučukovići br. 2
72 000 Zenica

Sve dodatne informacije mogu se dobiti na telefone Ministarstva za privredu: 032/460-720; 460-721 ili telefax: 460-722 ili e-mail: min.privreda@zdk.ba, te na web stranici: www.zdk.ba.